

VI. ANUNCIOS

A) ADMINISTRACIÓN AUTONÓMICA

CONSELLERÍA DO MEDIO RURAL

RESOLUCIÓN do 1 de febreiro de 2023, da Secretaría Xeral Técnica da Consellería do Medio Rural, pola que se fai pública a convocatoria, mediante procedemento aberto con criterio único (prezo), para un alleamento de madeiras na provincia de Pontevedra.

Convócase mediante esta resolución o alleamento de madeiras de varios lotes na provincia de Pontevedra, de acordo co disposto no Decreto 244/1998, do 24 de xullo, polo que se regulan os alleamentos dos aproveitamentos forestais nos montes xestionados pola Comunidade Autónoma de Galicia (DOG núm. 159, do 18 de agosto), na Orde do 8 de setembro de 1998 pola que se desenvolve o Decreto 244/1998, do 24 de xullo, que regula os alleamentos dos aproveitamentos forestais nos montes xestionados pola Comunidade Autónoma de Galicia (DOG núm. 180, do 16 de setembro), e na Orde do 20 de febreiro de 2020 pola que se desenvolve a tramitación electrónica dos alleamentos dos aproveitamentos forestais nos montes xestionados pola Comunidade Autónoma de Galicia, regulados polo Decreto 244/1998, do 24 de xullo (código de procedemento MR612A) (DOG núm. 41, do 2 de marzo).

A licitación e información dos lotes pódense consultar na páxina web da Consellería do Medio Rural e no visor de aproveitamentos madeireiros en xestión pola Administración forestal, nos enderezos seguintes:

<https://mediorural.xunta.gal/gl/temas/forestal/poxas>

<https://mediorural.xunta.gal/gl/temas/forestal/sistema-de-informacion-forestal>

A apertura electrónica dos sobres coas ofertas económicas terá lugar no Edificio Administrativo da Xunta de Galicia, na avenida de María Victoria Moreno, 43, 36071 Pontevedra. Unha vez iniciada a poxa, calquera persoa licitadora, tras obter a proposta de adxudicación dun lote, poderá solicitar por medios telemáticos á Mesa que non se proceda á apertura de máis ofertas económicas das presentadas por ela aos lotes que queden por poxar, por ter acadado a cota máxima da súa capacidade económica ou técnica.

Para este procedemento rexerán a normativa antes citada e os pregos de condicións técnico-administrativas xerais e particulares que figuran no expediente correspondente,



onde poderán ser consultados polas persoas interesadas, na páxina web que se indicou, a partir do día da publicación no *Diario Oficial de Galicia* (DOG) desta resolución.

As ofertas presentaranse a través da sede electrónica (<https://sede.xunta.gal>) (código de procedemento MR612A) durante os vinte e seis (26) días naturais seguintes ao da publicación no DOG desta resolución.

A apertura das proposicións económicas será realizada pola Mesa de Contratación, que se reunirá ás 11.00 horas do décimo quinto (15º) día hábil, contado a partir da finalización do prazo de presentación das ofertas.

Cada persoa licitadora presentará dous sobres electrónicos para cada oferta. O sobre A, coa documentación administrativa, e o sobre B, coa oferta económica.

No caso de presentarse a varios lotes, o sobre A, que contén a documentación administrativa, poderá ser único para todos os lotes que se presenten ante a Mesa e na mesma sesión. Este sobre deberá conter, en todo caso, a documentación sinalada na Orde do 20 de febreiro de 2020 pola que se desenvolve a tramitación electrónica dos alleamentos dos aproveitamentos forestais nos montes xestionados pola Comunidade Autónoma de Galicia, regulados polo Decreto 244/1998, do 24 de xullo (código de procedemento MR612A).

Non obstante, de se dar o caso de que algúns documentos do sobre A non estean asinados digitalmente, poderase presentar de forma presencial nun sobre pechado ante o Rexistro Administrativo da xefatura territorial da Consellería do Medio Rural correspondente, tendo en conta que nestes procedementos é o órgano de contratación, tal e como sinala o Decreto 244/1998, do 24 de xullo, polo que se regulan os alleamentos dos aproveitamentos forestais en montes xestionados pola Comunidade Autónoma de Galicia e a súa normativa de desenvolvemento.

O sobre B recollerá a proposición económica e presentarase no modelo normalizado disposto na Orde do 20 de febreiro de 2020 pola que se desenvolve a tramitación electrónica dos alleamentos dos aproveitamentos forestais nos montes xestionados pola Comunidade Autónoma de Galicia, regulados polo Decreto 244/1998, do 24 de xullo, a través do procedemento MR612A establecido na sede electrónica da Xunta de Galicia. Cada un dos lotes figurará nun sobre B individual.

A persoa adxudicataria constituirá a garantía definitiva do 5 % do prezo de adxudicación, agás nos expedientes en que o aproveitamento se realice a resultas da liquidación final



ou o motivo do aproveitamento sexa «clara». Nestes últimos casos engadirase o 5 % de garantía complementaria, acadando unha garantía definitiva dun 10 %.

A persoa adxudicataria constituirá a garantía definitiva e, de ser o caso, a complementaria dentro dos dez (10) días hábiles seguintes ao da data en que regulamentariamente se lle comunique a proposta de adxudicación.

No caso de que a persoa adxudicataria fraccione o pagamento, constituirá tamén a garantía do segundo pagamento dentro dos dez (10) días hábiles seguintes ao da data en que regulamentariamente se lle comunique a proposta de adxudicación.

Dentro dese mesmo prazo deberá aboar:

1. O importe total do remate, ou o importe do primeiro prazo, segundo se indique no prego de condicións particulares de cada lote.
2. O importe das taxas.
3. Os gastos proporcionais deste anuncio.
4. Os demais que se establezan nos pregos particulares do aproveitamento.

A persoa adxudicataria deberá aboar, ademais das cantidades expresadas no anuncio, a porcentaxe que corresponda, segundo o réxime especial ou xeral que aplique a propiedade do monte, en concepto de IVE.

Santiago de Compostela, 1 de febreiro de 2023

Nicolás Vázquez Iglesias
Secretario xeral técnico da Consellería do Medio Rural

